



# YMA Volleyball-ah kan tel dawn

## Branch News

**Chanmari West, 2nd Sept.:** Chanmari West Branch YMA Executive Committee chu Ni 28.8.2012 zan khan Pu J. Lalnangliana inah an meeting a, Central YMA-in Ni 25.9.2012 atanga Inter Branch YMA Volleyball Tournament a buatsaih turah chhuah ve an rel.

He meeting hi Pu T. Ngurkhuma, Branch YMA President kaihruai chuan Volleyball Tournament-ah hian mipa team chauh chhuah nise a ti a, a lo huaihawt tur hian Convener-ah Pu C. Lalmuankima a ruat a, Manager atn Pu Lalrinliana chu a ruat bawk a ni. Ni 6.10.2012 hian Marathon race neih tur a ni bawk a, tah hian tel thei tur chu Branch Secretary hnenah in report tur a ni. Veng pum huap colour inang neih tha a ti a, rawng var chu veng chhung colour atan thlan a ni.

Chanmari West Local Councilin veng chhunga ran khuahkhirh a puan chu Chanmari West Branch YMA pawhin ran khuahkhirh hi a theih ang anga thlawp zel nise a ti.

Branch YMA-in Gas Connection a neih chu Biakkungi Gas Agency-ah transfer tura tih a ni.

67<sup>th</sup> YMA General Conference Kawrtethawvenga neih turah Agenda atan hengte hi rawtna thlen nise tih a ni.

i) CCE zirna kalpui dan hi mipuiin an hriat fiah theihna turin Awareness pe turin Central YMA in Sorkar-ah nawr rawh se.

ii) Aizawl chhunga thing leh mau awmsa hi Sorkar-in humhalh rawh se.

Kumpulan atan Ram leh hnam humhalh rawt nise tih a ni.

YMA General Conference-a kan Branch atanga Special Item nei thei emaw nei duh tan YMA Aw ah hriattirna chhuah nise tih a ni.

Pi Lalrintluangi leh a fate 'CH' Sect. chuan an pa Pu R.Thansanga (RTS) hriatrengha atan Table fan tha tak pahnih Branch YMA an rawn pe a, an chungah Branch YMA in lawmthu a sawi.

Central YMA in 'Inter Branch YMA Volleyball Tournament (M&W)' a buatsaih turah kan Branch YMA mipa team chhuah ve tum a ni.

Nimin khan ZCC ten hruaitute tana football hmanga inkhelh A.R Ground a an buatsaihah Branch Executive member-te tel ve a ni.

YMA General Conference Kawrtethawveng a neih turah kan Branch Secretary nilai Pu RL.Thanhnuna chu kum 15 chhung Branch O.B anih tawh avangin hruaitu hlun chawimawina dawng tura chhawpchhuah a ni.

Pu K.Darthantluanga, Branch Fin. Secretary chhiat tawhna avanga Saitual a zin pawh a lo haw leh ta.

Branch Executive Member Pu Lalthanruma eizawna thila Lungleia zin pawh a lo haw leh ta.

Veng chhungah ruk ruk leh ruihhlo a hluar chho tan leh ta, Section tinte ngawrh leh zuala duty tura beisei a ni.

### PEM CHHUAH

Pu HL Rozama te chhungkua chu Pu Zamlova 'V' Section te In atangin Edenthar ah an pem

**TUNKAR CHANGVAWN**

Aw, Pathian i ngilneih em avangin mi khawngaih la,  
I lainatna nasat avangin ka bawhchhiatnate hi mi thai bo sak ang che.  
Ka khawlohnate hi mi silfai sak var la,  
Ka sual hi mi tlenfai sak ang che.

Sam 51:1,2

## Anganwadi sak leh bawlhhlawh paih nan pawisa

Chanmari West Anganwadi Co-ordination Committee kaihruainain Anganwadi Centre-I sak mek a ni a, ICDS atanga sum hmuhin sak zawhna tur a daih dawn loh avangin Local Council meeting Aug 29-a neih chuan tha taka sak zawh a nih theih nan chhungtinah rawra tin hnih theuh leh a remchang loten Rs 50 thawh khawm ni se tiin a rel.

Chhungtinin ngai pawimawha Sept 15 ral hmaa rawra emaw Rs 50 emaw thawh theuh turin an hriattir a ni. Rawra hi Vanapa section YMA bukah dah khawm tur a ni a, Pu H. Vanlalvena hnenah rawra dahtuten hming ziahtir zel tur a ni. Rawra nei remchang lo Rs 50 thawh duh chuan YMA section hrang hrang tarlana Local Council member hnenah pek tur a ni:-

- Chawngbawla** : Pu C Lalmuanpuia
- Vanapa** : Pu H Vanlalvena.
- Neuva** : Pu Lalliansangpuia.
- Taitesena** : Pu RL Thanhnuna.
- Khuangchera** : Pu H Lalramhluna

Aizawl Municipal Council-in Aizawl City Local Council-te PPP Mode bawlhhlawh paih man pawisa khawn tura a hriattir angin, Chanmari West huam chhungah PPP Mode hmangin in tinah leh dawr tinah August atangin bawlhhlawh paih man Rs 20 zel pawisa khawn a ni dawn a, vengchhung mipui an hriattir. Pawl emaw mimal emaw khawn duh tan a dil theih a, Rs 20-ah Rs 5 zel hlawh tur a ni. Akhawn duh chuan Sep 8 thlengin chairman Pu F Zosanga hnenah dilna a theh luh theih.

The Mizoram Shop & Establishment Rule 2011-in a phut angin Dawr leh Sumdawnna chi hrang hrang, Workshop, Steel Fabrication, Restaurant, Institution, Private School & Hospital, Picnic Spot, Quarry, Cinema Hall leh danin a huam zawng zawng te chu Directorate of labour, Employment & Industrial Training Department, Upper Republic-ah in-register vek tur a ni.

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production Manager :</b>	R.Lalmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	Pu Lalbiakthanga Khiangte Pu Rothuama, Pi Zamanthangi Pu Lalrengpuia Sailo	

**Editorial :**

Kan Branch YMA chuan Central YMA in Volleyball Tournament an buatsaih turah kan branch pawhin chhuah kan tum a, thil lawmawm tak a ni. Memberte thlawpna tha tak dawn beisei leh ila. Kan playerte pawh hian Volleyball thiam veng kan neihna chhawmung a, champion ngei tur an beih angai hle. Kan Branch hruaitute pawh hian rilru zau tak pu a, kan enkawl angai a ni.

Bawlhhlawh chungchang hi kan sawi zing ta hle, sawo fo angai niin a lang. Tihdan thar kan hmang dawn a, PPP mode hmang tur kan nih avangin mipuite pawh hian a thlawn ringawt beisei tawh lo tur kan ni a, thawh tura min beisei zat chu kanlo pek ve ngei hi kan mawhphurhna a ni. Tin, Anganwadi sakna tur pawh hi a sum awmsa hian a daih dawn loh avangin leh in tha tak sak sak kan duh baw si avang hian kan theih ang ang a, kan tan tlan angai a ni.

YMA AW hian thu chhuah tur kan dawng nual thin a, a lawmawm hle. Kan vengah hian ziakmi kan tlem a, tan inla thar leh teh ang u. Pu Chawia ber hi kan phut a, pasal tha Hruaia nih ang nih tum ve RTA pawh hian ziah a ba baw. Pu Zova Tochwawng leh Pathara Sailo hi chuan nupui an ngam a ni ang an larawn ziak thei thin.

**Article :****PASALTA Vrs PASAL THA**

- Lalnunthara Sailo

**Ani tih leh a ni tih hi i hre hrang em?**

Kan tawng hi kan hmang uluk lo hle a, a chhiara chhiar ai mahin a ziah a ziahin kan tidik lo nasa leh zual. 'Ani' tih leh 'a ni' tih mai pawh hi ziak dik thei lo kan va tam em!

**Ka Kid Number 3 Marema**

Hmana kid number 3 ni thin Marema chuan 'si' aiah 'ci', 'awm' aiah 'om', te hi hman a paw vak lo, a lo ti ve mek a. Ka kid number 1 leh 2 erawh chuan Mizo tawng dik hman pawimawhzia hi kei ai mahin an vei a, ka kid number 3 hi an dem hle thung. Thil lawmawm tak erawh chu Synod in Mizo tawng dik hman a pawimawhzia hriaa hma a la hi a ni.

**Pasaltha vrs Pasal tha**

'Pasaltha' hi 'Pasal tha' tiin ziak hrang ta ila a awmzia a thuhmun ang em? 'Chan chin' leh 'Chan chin'. 'Mahse' leh 'mah se' ziah zawm leh zawm lo hian awmze hrang a neih chuan 'Pasaltha' leh 'Pasal tha' hian awmze hrang a nei ve ngei tur a ni ang.

**Pasaltha chu Br. YMA OB te**

Pasaltha ziah zawm a nih hian kan hmanlai pasalthate panga hming rilru-ah a lo lang a. Kan vengah heng pasaltha pangate aiawh tur hi ka ngaihtuah a, Vanapa leh Pu T. Ngurkhuma, Chawngbawla leh Pu K. Darthantluanga, Taitesena leh Pu R. Lalmachhuana, Khuangchera leh Pu C. Lalzarliana, Neuva leh Pu RL.Thanhnuna. Kan section leader theuhte leh anmahni section hming theuhte hi inhme hlein ka hre baw.

**Pasal tha chu Hruaia (VL)**

Pasal tha ziah zawm loh thung hi ka ziah zawh ruala rilrua lo lang hmasa ber chu Pu Vanlalhruaia 'K' Sect.a mi, Pi Manghaki pasal hi a ni tlat pek. (Pu Chhantea Ex-MLA chuan Pu Zotea Chhangte, Pu Ngaihtea leh Pu Matlana-te a mitthla mai thei a. Tv. Ti-a chuan kei hi mi mitthla miah lovang tih ka Chiang a, kei ai chuan Pu H. Lalramhluna leh Zotea 'CWSC ve ve' te hi a mitthla hmasa hrim hrim ang.)

**Pasal tha chu**

Pasal tha ziah zawm loh hi Pu Vanlalhruaia (VL) khawsak dan phung atang hian sawifiah tum dawn teh ang. (Pu Rimtua min hrilh dan a nia.) Hruaia chu zing dar 6:00-ah thoin thingpui a lum zawh hnuah eirawng a bawl zui thin. 6:30-ah

naupangho a kaitho a, an home work a tihpui pahin an uniform a nawh mamsak. Tukthuan ei hma deuh in mut hmuna a nupui thingpui a va pe a, a lo let leh hnuah naupang tiffin pai tur a siam a, chumi hnuah tukthuan an kil. Tukthuan ei khamah naupang ho sikul kal tur a siam a, nu berin chaw a eikham ve leh kamthuahna tur tui a pe a, kuhva a barh zui nghal ziah.

Naupangho sikul kal tur a hruai leh a, a haw pahin a nupui chhun thingpui hmeh tur a lei hawsak nghal lo thei lo va, in a thlen ve leh office kal turin amahin a insiam thui thui.

Tlaiah an fate sikul bang a hruai haw leh a, offiice-ah a let leh a la ngai zui. Office ban hnuah a nupui ziah sa ang thlapin chawhmeh a lei kual leh a, in a thlen vele naupang lehkha zirtir pahin eirawng a bawl leh a, rawngbawl pahin pawna vawkchaw a chhum tel vel pah mai mai baw thin. Zanriah ei hmian naupang pathum a bualfai phawt a, chumi hnuah vawkchaw a pe a, zanriah eikhamah naupang lehkha zirtir paha chhuat nawt chungin TV-a news an puan a ngaithla a. (En erawh chu a en hman meuh lo, a chala lo kuk rik fawk hi a rem em a.)

A nupuiin chaw eikham thingpui a inna a rei tawh deuh hnuah thingpui a lumsak leh thin. (A chang chuan a ma ta tur a insiam kep ve ngam zeuh zeuh.)

Dar 9:30 a rik hnuah naupang ho ti muin thawnthu a hrilh ziah. Thawnthu a hrilh hma hian 'chhanna nemin thin ur a tikiang thin a' tih hi a fate zirtir a a chak hle. (A la zirtir ngam lo mai pawh a.)

Inrinni Pisa kai loh ni hian insuk runpui leh inchhungkhur faina hnatlang (amah chauh vin) a nei ziah. Zingah chawlhni tuk sa tur a lei a, Bazar-ah anhnah a lei leh a, eirawng a bawl leh a, tukthuan eikham atangin nilengin an in velah hian hna chi hrang hrang a thaw thin. (An in leh a vel tih a 'VEL' lai tak hi sawifiah deuh atan a tha mang e.)

Hetiang ang taka in chungkhura pa ber a tangkai hian nu ber tan chuan 'Pasal atan a tha' a va ni tehlul em! Hetiang mi hi 'Thaibawih' a ni lo, a taima a, a nupui chet ve hmian a che zung zung a, a nupui hi a ti-hmingchhe lek lek zawk a ni. chuvangin hetiang chi ho sawi nan hian 'Pasal tha' tih hi hmang ila a dik thei ang em?

(Rta hian dawt a sawi a ni ngei ngei ang hetiang hi mi pakhatin a tih vek sen loh! Hruaia te ang an nih nghal loh chuan.)

**2012 Thuvawn**

*I awmdan tur chu LALPA chungah nghat la; Amah chu ring la, aman a ti vek ang.*

## CHAWNGBAWLA

☞ **Sarah Fashion Drawing Competition** (YMA Chhang pual) chu Chawngbawla Section chuan inrinni kalta khan an section YMA chhang tan New Horizon School-ah an buatsaih, Naupang 79 lai an rawn tel thei a, lawmawm an ti hle. Drawing competition-ah hian cryon box khat, pencil, nawhreh leh scale-te chu a tel zawng zawngte pek an ni. Age group thuma inntihsiakna hi neih a ni, a ti tha pathum theuhte hnenah lawmman tha tawk tak pek an ni ang. **Lawmman hi New Horizon School-ah vawiin tlai dar li (4) hian sem a ni dawn**, Section atanga tel zawng zawngte chu kal vek tura sawm an ni. Section dang atanga rawn tel te chungah pawh lawmthu an sawi.

He competition atana sensote Pu Laldingliana'n a tum vekin, Rs 5000/- lai a rawn thawh a, section-in a chungah lawmthu a sawi. He drawing competition hi Pu Laldingliana dawr hming chawiin **Sarah Fashion Drawing Competition** vuah a ni.

☞ Pu Lalchhandama Ralte chuan fanu hlirpali a neih hnuah fapa duhawm tak thawhtan Ni 27/8/2012 khan Synod Hospital-ah a nei a, Section chuan a lawmpui hle.

## NEUVA

☞ Asst. Leader Pu Lalthanruma eizawna avanga Lunglei lama zin pawh dam takin alo haw leh ta.

☞ Section bungraw hawh tur reng rengin ziakin property i/c te hnenah dil thin tur a ni.

☞ In luatur nei ten Pem lehkha ngai pawimawh turin an inngen.

☞ Local Council thuchhuak angin Ui leh Ar nei ten khawlaiah chhuah lo turin an inngen.

## KHUANGCHERA

☞ Ni 12.9.2012 (nilaini) khian Doordarshan-ah lengkhawm zai khung tur a ni a, ngawrh takin an zir mek. Hruaitute hla zirna lamah an kal tha lo thin erawh pawh an tiin, a taka tel hman lo tur pawh a zirna lamah thahnemngai taka tawiam thin turin an inngen. Hla zirna tura phal taka in hmantirtute chungah lawmthu an sawi.

☞ Section huamchhung a ui leh ar khawlaia hmuhtur an la awm thin chu pawh an ti hle.

☞ Section bungrawh hawhtu ten fai tak a dah leh thin a, tha taka rem fel thin turin an inngen.

## VANAPA

☞ Ni 30.8.2012 (Ninga) zan khan Pu Roluahpuia inah section committee an thu a, thu pawimawh tak tak an rel.

☞ Ni 6.9.2012 (Ninga) ni hian Bungraw In zauh hnatlang neih tur a ni a, Hruaitu pual hnatlang a nih avangin Hruaitute kim taka kal turin an in hriattir.

☞ Ni 8.9.2012 (Inrinni) hian member pum huapin section chhungah Faina Hnatlang neih tur a ni a, member a tam thei ang ber thawk chhuak turin an innngen.

☞ An member Nula C. Lalsangpuii chuan M.Sc (Mathematics) 1st Class a pass a, an chhuangin an lawmpui hle.

☞ Kum tawp lam hun remchangah Section YMA member te leh YMA Chhang member-te tan intihlimna (Sports) hun siam an tum a, member-te lo inbuatsaih turin an inhriattir.

☞ Vanapa Nite hmang turin an inbuatsaih tan a, Organising Committee dinin chak taka hma kal mek a ni.i.

☞ Pu K. Lalramliana (L) hriatrengnan a nupui Pi Chhingpuii leh a fate'n thutthleng 6 siamnan Rs 3,000/- section-ah an pe a, Tv Lalrinawma (Anggira) hriatrengnan Pi Laithuami leh a fate'n Dekchi lian tak an rawn pe bawk. Pu C. Lalnunmawia te chhungkuain thutthleng 10 siamnan Rs 5000/- an rawn pe bawk. Thilpek petute zawng zawng chungah section chuan lawmthu a sawi.

☞ Section chhunga kawngpui kama Ruihhlo (Ganja) khawih thinte chu sim vat turin an ngen a, ualau taka hmuh leh man an nih chuan an dim dawn lo tih an hriattir bawk.

☞ Local Council thuchhuak angin mahni ranvulh, ui leh arte khuahkhirh turin an inhriattir.

## TAITESENA

☞ Karleh hun remchang hmasa ber ah Committee neih tur a ni a, Committee memberte hun lo insiam turin an in hriattir.

☞ Ui leh Ar neite chhuahlo turin an in ngen

☞ Hriselna atan mahni in leh avel vawngfai theuh turin an in ngen.

☞ . An Committee member Pu Lalngaihawma ten fapa duhawmtak an nei chu an lawmpui hle.

## YMA AW EDITOR NI TAWHTE

1990- R. Lalchhuanawma

1991- Lalramzauva

1992- R. Lalhmachhuana

1993- Chawngdailova Pachuau

1994- Lalramzauva

1995- RL. Thanhnuna

1996- R. Lalchhuanawma

1997- K. Laltanpuia

1998- R.Lalhmachhuana

1999- P. Lalkhama / Lalthazuala

2000- Lalnunthara Sailo

2001- Lalnunthara Sailo

2002- Thangkhuma

2003- Thangkhuma / Lalhmachhuana

2004- Lalnunthara Sailo

2005- Lalnunthara Sailo

2006- R. Lalchhuanawma

2007- R. Lalchhuanawma

2008- Lalnunthara Sailo

2009- Lalnunthara Sailo

2010- Dr. Lalramliana

2011- RK. Rozidinga

Kan Branch YMA chu kum 25 (Silver Jubilli) lawm turin kan inbuatsaih mek a ni. YMAAW pawh hi kum 1990 atanga chhuah tan a ni a, kum 22 chung hian mi 13 chiah Editor an la awm a ni. Tun hma cyclostyle a her a nih lai phei kha chuan a hna hi a hautak em em a, buaipui tham tak a ni. Hetih lai hian Editor chauhin tih theih a ni ngai lova, board memberte inpekna leh thawhrimna vang chhuak thei a ni thin. Hun remchangah Branch YMA OB te, Section OB te pawh chhuah zel tum a ni ang.

## ZOFA

☞ Ni 1.9.2012 (Inrinni) nileng khan ZOFA Cup-2012 AR Ground -ah an khel a, an hlimtlang hle.

☞ Rallu Lam chang turin an inpeih fel ta. Ni 29.8.2012 (Nilai) zan khan a film changtu turte an in kokhawm a, mi 54 lai an kalkhawm thei chu an lawm hle. September thla chawhnu lam atangin shooting neih tan an tum.

☞ Film channa tur hmunte endik (spot verification) nei turin Vice President leh Asst Secretary te chu Ni 7.9.2012 hian an zin chhuak ang.

☞ Art & Culture Dept atangin Darbu leh Ngotekherh (10) lai subsidy in an lei thar.

☞ An Darbu ri dik lote chu Pu T. Zorampela (V-sect) chuan a siam that sak a, an lawm hle.

☞ An Darbu tharte chhinchhiahna siamsaktu Pu Zonunmawia (V-sect) chungah lawmthu an sawi

## Hriattirna

Ni 23-25/10/2012 chhunga YMA General Conference Kawrtethawveng khuaa neih turah kan Branch YMA atanga zai/lemchan hmanga item nei thei turte chuan Ni 9.9.2012 ral hmain Branch Secretary hnenah inhriattir tur a ni e.

## Ngenna

Sairang Road a motor silna thenkhatah zu a zalenin, ualau tak taka in thin a nih chu a pawihle a, tunhnuah chuan ti tawh lo turin leh motor silna neitute pawh lo fimkhur turin leh tih a nih tawh lohna tura hma lo la turin kan in ngen a ni.

## MUP lawmthu sawina

Pi Rintluangi a pasal RTS Pu Thansanga(L) hriatreng nan MUP member-te Steel almirah man tam tak a lei min han pe a, RTS Pi Rintluangi te chhungkaw chungah MUP member ten lawmthu kan han sawi tak meuh meuh a ni e.

## DISASTER COMMITTEE

Taitesena Section Vaivakawn Road kawng chhak Chanmari atanga leivungrawn tawh tla mai thei in engemawzat tana hlauhawm chu leivung pawhna tur siam mek a nia, Section hrang hrangte hnatlang koh thut pawha hnatlang mai thei tura lo in ring turin an in ngen.

## Thlanmual Sub-Committee

☞ Hun remchang hmasa berah Kuang duan hnatlang neih tum a ni a, Memberte hun awl lo insiam turin an in ngen.

☞ Veng chhungah chhiat tawkan awm chuan YMA Zawlbukah Kuang duan sa lak mai theih a ni a, Kuang chhungah hian kuang tuamna dah nghal bawka ni.

### ADVERTISEMENT

Mistiri bungrua chi hrang hrang: Heng- Electric Randa, Design Khawl, Drilling Machine chhiate hi kan siam thei reng e. Engtiklaipawn pan theih reng kan ni.

Lalnunsanga  
Phone No - 9862312242  
(1-3) Neuva Section

## VOLLEYBALL MANAGING BOARD

☞ MVA Indoor Championship-ah Ni 3.9.2012 (thawhtan) khian 3rd MAP nen Dar 11: AM ah Opening Match an khel dawn a. Coaching Camp neih mek a ni a. An riah khawm theihna atan a IN phal taka hmantirtu Pu Lalmalsawma (Sena) T-sec chungah lawmthu an sawi bang lo. Veng mipuite tawiawm theuh turin an inngen.

☞ Mamawhna hman tura phal taka Motor thawhtu an Committee member Pu C Zohmingliana (Mahminga) chungah lawmthu an sawi.

☞ Tournament khel theihna tura sum tuaknana an Limbu tui zawrh lo lei saktu zawng zawngte chungah lawmthu an sawi.

☞ An committee member leh Senior Player Tv. Lalduhawma Hnamte chuan MVA hnuaiyah State Referee tha taka a pass chu an chhuangin an lawmpuihle.

## GOSPEL CAMPING LUT DUH TAN

A Hun: 15<sup>th</sup> Sept 2012  
A Hmun: Synod Camping Centre, Neihbawih

Registration hi 2<sup>nd</sup> Sept 12, Chawhma inkhawm ban thleng a tih theih a, Pu C. Lalmuanpuia, Pu Lalthankima leh Pu TC Lalnunpuia te hnenah tih theih.

### Kal hun:

Dt 3<sup>rd</sup> Sept 2012, Zing dar 10:00 AM ah Camping lut turte chuan Chanmari West Presbyterian Kohhran Biak In thlen tur a ni a, Biak In atanga Motor hmanga Camping Centre hi a huhova pan tur a ni.

**Ken turte:** Holy Bible, Kristian Hla Bu, Note Bu, Mutbu leh Thosilen.

**Campers tan Mobile phone ken luh phal a ni lova,** tul bik thilah Campers-te biak an ngai a nih chuan heng Phone no. ahte hian biak theih a ni ang.

8413897689 leh 8413897691

## Lawmthu leh Hriattirna

Khuangchera Sectionah mi tu tih hriat loh in Bike an hal chu, mi tlawmngaiten an thelh a, kangmei nasa zawk chhuak lovin thelh mih a ni a, mi tlawmngaite chungah lawmthu sawi a ni.

Motor leh Bike vel zan reiah khawih ching an awm a, hetiang veng tur hian duty thin a ni a, a lo ti thin tan sim tawh tur a ni.

YMA Park-ah ualau taka ruihtheih thil ti thin an awm a, heng mite pawh hi ti tawh lo tura hriattir inni.

## SMS

**SMS thawna tur : 9862358337.**

☞ Thlanmual hlui, Transformer bul vela tleirawl thenkhat ruih theih thil ti thinte khan sim vat teh u. YMA Duty-in kan hmuh fuh leh che u chuan in hming nen lam YMA AW ah hian kan tichhuak tawh ang.

9862367328

☞ Branch YMA hian SUAL DO PAWL din se ka tel ve chiang ngawt ang.

9612319779

*SMS kan dawnte hi Editorial Board ngaihdan a ni vek kher lo.*

## BAWLHHLAWH PAIH

(Mipuite hriat atan)

1. Bawlhhlawh paih nan hian motor (407/Pick-Up) hman tur a ni.

2. Bawlhhlawh paih hna (Term) hi kum khat (one year) chhung a ni a, Ward Committee in a hun chhung (Term) a ti danglam theiin, tul bik thilah chuan a pawt seiin a pawt tawh thei ang.

3. Zingkar dar 9:00 rik hmain Bawlhhlawh khawn khawm kim hman tur a ni a, Bawlhhlawh motor hriattirna thinrik/Bell a nei ngei tur a ni. Bawlhhlawh paih motor a ni tih mipuite hnena hriattirna thinrik/Bell tiri in Bawlhhlawh a khawn thin tur a ni.

7. Ward Committee/Local Council-in Bawlhhlawh Point a siam atang chauhin Bawlhhlawh a khawn thin ang. Bawlhhlawh Point tinah minute nga (5) aia tlem lo dingin Bawlhhlawh paihtute paih kim a nghak thin ang.

8. Bawlhhlawh paih motor a chhia emaw thildang engvang pawh nise, Bawlhhlawh paih hunah a khawn/paih thei lo a nih chuan motor dang hire/ngaihtuah in Bawlhhlawh a khawn/paih thin tur a ni ang. Harsatna lian tak Bawlhhlawh paih chhunzawm zel thei tawh lo tur dinhmuna a ding a nih chuan Ward Committee-ah hriattir vat tur a ni a, hriattir lova midang kuta Bawlhhlawh paih hlan chhawn phal a ni lo.

9. Ward Committee emaw Local Council in tulbik thilah Bawlhhlawh paih motor hman a mamawh chuan, eng hunah pawh a ko thei ang.

(Nimin khan Bawlhhlawh paih motor hi Ward Committee chuan an thlang a, tun atang chuan In leh Dawr tinah pawisa Rs 20.00 zel khawn a ni tawh dawn a, tlawmngai khawn duh an mamawh a, lawmmanah Rs 5/- in khat zelah pek a ni ang, mipuite pawhin bawlhhlawh paih zel theih kan duh chuan tha taka pek ngei hi kan mawhphurhna a ni)